

'Sëedhe -bleezë 'ö

Piεε

-ya bɔ -Zlan -bha mε -nu

'wo -pen -sü 'ka -an
-dhë bhë 'ö =ne

1 ¹Ma Piεε 'a Yesu Klito -bha bɔmε 'ka, 'a 'sëedhe =ne 'a- bɔ mε -nu 'ö -Zlan -yö ka sü 'ö 'ka -nia 'ka, 'ka -ya -sü 'ka Pɔng -se, Galatö -se, Kapadɔsö -se, Azi -se waa- Bitini -se 'gü -dhe -nu -bha bhë ka -dhë. ²Ka 'sü 'ö kwa Dë -Zlan -ya wo 'dhö bhë, pë 'ö- -ya 'ti -kë ö -de =zuö' 'piö -be yö -mü; 'yö- -kë 'dhö kö 'kaan- kë -a -bha 'ka -Zuu 'slööslö -kwa', kö 'kaan- 'wun ma Yesu Klito -ta, 'kaan- kë 'zü 'slööslö -a fei -kwa'. Kö -Zlan -bha 'glusë -yö kë ka 'piö, 'iin kö -yö =zuöyagluu nu ka -dhë -kplawo.

'Yan 'to -a -gɔ -pë 'ö dhang- 'gü

³-Kwa 'we kwa Dëme Yesu Klito Dë -Zlan 'to 'piö! Yö =ga 'ö- -bha 'wun -së kë -sü -va 'gü 'ö =ya kwa gbaa -tosiadhe -dëü 'ka Yesu Klito -bho ga 'gü -sü 'ka bhë. Kwa 'yan -to -a -gɔ -pë bhë -a -bha -kë 'bhee- -kɔ =ga 'ö bhë. ⁴-Yö -së kö kwa =zuö' 'glu -yö dhi -to mε -gɔ -pë 'ö -Zlan -ya -ya ö -bha mε -nu -gɔ bhë -a -wun 'gü, bhii yö 'dhö bhë 'zü pë 'yaa -siö', 'yaa -dhii 'kun 'iin 'ö- bun 'yan -bha bhɔ -sü 'yaa yën yö -mü. -To mε -gɔ -pë bhë =ne 'ö -Zlan -ya -ya ka -gɔ dhang- 'gü. ⁵-Zlan -bha 'piigbeedhe -yö -dho to ka 'piö ka -bha -zo -yö -a -bha -sü -wun 'gü -yaan dhoë -yaan yöë yi 'ö- -ya yi -kaanta 'ka kö dhasü 'ö bhë -yaan -zɔn -a 'ka bhë -a -bha.

⁶Pë 'ka- kë -na bhë, =yö -së 'ö tɔɔ 'töng 'ö ka -gɔ 'kpongtaa zö bhë, kö -Zlan -ya 'we -a -bha kö 'wun 'gbee- -nu -wo nu ka -ta, ka =zuö' 'glu -yö -dhi. ⁷Bhii kë- wo 'dhö bhë 'ö tɔɔ 'wun -nu 'wo nu -na ka -ta bhë, -wo -nu

'dhö kö ka -bha -zo -yö -Zlan -bha -sü -gen -gban -kɔ bhë 'piö -yaan ga. Ka -de gia- ka- -yö -o! Ka -bha -zo -yö -Zlan -bha -sü 'ö bhë -a -wun -yö 'gbee- 'ö -zië' 'sënnng -ta 'ö 'ka- dɔa 'pö -ne 'sënnng 'ö bhë pë 'ö- 'gü dho -siö' yö -mü. 'Kee kö 'sënnng 'ö bhë 'sa, -yö -bɔ 'siö 'gü kö -a -bha -kë 'sënnng 'ka -sü bhë -yaan yö -dhepuudhe 'gü. -Kɔ bhë -ne 'ö ka 'tɔ dhö bhɔa, 'ö -Zlan dho ka -sɛɛ- bhoë, ka -zëë -zë 'tɔa -sü 'ka Yesu Klito nu -yi 'ka. ⁸Yesu Klito 'ö bhë -a -dho -yö ka -kë, 'kee kö kaa ka 'yan dɔ -a -bha do 'sa, 'ö 'ka- -wun -dhe 'wun gia-, 'kee kö ka 'yan 'yaa- 'dhiö 'sa. -Zuögludhi -va 'ö 'dhi yaa -mɔ -a -wun -blëe' -sü -bha bhë -a -gen -ga bhë. ⁹Bhii ka -bha -zo -yö -Zlan -bha -sü bhë -a -truën 'ö 'ka dhoë- yö 'ö tɔɔ ka nii -bha dha -sü.

¹⁰⁻¹¹Dhasü 'ö bhë, -Zlan -wodhiölome -nu -wo -dhe -ga -a 'piö, 'wo yöö -nu -kë -a -ta piindhö, kö -wo -kpɔɔ' -na 'sëëdhe -nu 'gü, kö 'töng 'ö pë -nu 'wo bhë 'wo dho kaa 'iin 'wun -nu 'wo -gban pë -nu 'ö -Zuu 'ö go Klito 'piö 'ö- -blëe -an -dhë bhë, kö -wo -an -mɛɛ' -na; kö 'glusë 'ö -Zlan dhoë- kë ka 'ka bhë, -wa -wun -blëe' -na. -Zuu bhë 'pö, -yö -kë -an 'piö kö 'wun -nu 'wo -gban Klito -bha 'klobhɔdhe -nu waa- -a -bhlë -nu 'wo dho kë bhë -ya -ta 'po -na -an -dhë. ¹²'Kee kë- wo 'dhö bhë, -Zlan -ya -ta -po -an -dhë -ne 'wun -nu 'ö- dɔ -an 'dhi bhë -an -de -bha kun, 'kee ka -bha -mü. 'Yö 'wun 'ö 'dhö bhë, -ya -lo ka -ta dɔ 'kwa- wo -ne -a 'gü, bhii 'wuntaasë -blëe' -me -nu 'ö 'wo 'wun -blëe -Zuu 'slööslö 'ö -Zlan -ya bɔ 'ö go dhang- 'gü -a -faan' 'ka bhë -waa- -blëe' -ka -dhë. -Zlan -bha bɔmɛ -nu gia- -de 'pö -wa -kë kö 'wun bhë -waan dɔ.

-Tosiadhe kpengdhö 'ö -Zlan -yö kwa -dhɔɔ -kaa'

¹³-Dhe 'ö 'pö, -ka ka -zo kë ka -de 'piö; -ka -ya ka 'yaan, 'ka ka -zo 'to dosen gbao 'ö dho kë ka -dhë yi 'ö Yesu Klito dho nuë bhë -a -dhë! ¹⁴-Ka kë me -nu 'wo 'wun ma -Zlan -ta -an 'ka; kö -kun 'ö 'ka -kë -ya pë -dho 'ka -sü 'gü gbɔ -ne -kɔ 'ö -Zlan dɔ -sü yaa kaa ka -gɔ 'ö 'ka pë -nu -kë -kɔ gbɛ -ta bhë -a 'dhö. ¹⁵'Kee -dhe 'ö -kë -ne -Zlan 'ö ka -dhɔɔ -kë bhë -yö 'slööslö, kö ka -de 'pö, -ka kë 'slööslö ka këwun -nu 'saadhö 'gü!

¹⁶Bhii pë 'ö -bɛɛn' -sü 'ka -Zlan -bha 'sëëdhe 'gü -ya -pö: -Ka kë 'slööslö, bhii a 'slööslö. ¹⁷-Ya kë -ne ka -bha -bheä' -sü -nu 'gü, kwa Dë 'tɔ 'ö bhë ka- -ya -Zlan 'ö me 'saadhö -bha za -kan mɛ 'ö -dhö -a këwun -nu -bha, 'ö 'yaa mezëgüdhe gbɛ kë -a -bha bhë, kö -ka ka -de kë 'slë 'ka 'töng 'ö -tun ka -gɔ ka -bha -tosiadhe kë -sü 'gü bhë -a 'gü -a -bhlë -ya -sü 'ka! ¹⁸Bhii ka -de gia- ka- -tɛi' -dɔ -ne wɔ -kɔ -suu' -'ö ka 'bhema -nu -wo -kë -a 'gü 'ö- -yö -a -bha -pë gbɛ yaa kë -dhö 'ö 'ka -da -a 'gü bhë, -kɔ 'ö ka bho -a 'ka -a 'gü bhë ka- -dɔ. 'Gü -siö' -pë -nu 'wo -kë 'wëüga waa- 'sënnng -nu -an 'ka 'waa -mü 'ö ka -gɔ -ta dhɔa. ¹⁹-Abi! Pë 'ö ka -gɔ -ta dhɔa bhë 'ö tɔɔ Klito fɛi 'ö- -wun 'dhö 'gbee- bhë. Klito bhë -ne 'ö- -kë 'ö -bha sla- -bhoë' 'bhanë 'ö- -dhe 'yaa- -bha 'iin 'ö -dhuu 'yaa- -bha -a 'ka. ²⁰'Kee kë- wo 'dhö bhë, -yö Klito -ya -a -de kö 'kpongtaadhe zü yaa dɔ -kun, kö 'töng -kaanta -nu

'kwa- 'gü -ne kö -yaan -wun -zɔn -a 'ka; 'yö pë 'ö 'dhö bhë, 'yö- -kë 'dhö ka -bha 'dhuë- -wun 'gü. ²¹Yö -ne ka bɔ -a -ta 'ö -Zlan 'ö- bho ga 'gü 'ö 'tɔbhɔdhe nu -a -dhë bhë, 'ka- -wun -dhe 'wun gia-. -Kɔ bhë -ne 'ö ka -bha -zo -yö -Zlan -bha -sü waa- ka -bha 'yan -to -a -gɔ -pë -nu 'wo bhë, 'ö -an -gen dho -gban -a 'ka -Zlan 'gü.

²²'Wun gia- 'ö -Zlan -wo 'gü bhë, ka -bha -a -bhlë -ya -sü 'gü, 'ka ka -de kë 'slööslö kö ka dhegluzë -nu 'wo -zo -yö -Zlan -bha -sü 'gü bhë, 'kaan- -an -dho kë giagiawo. Kö -ka ka 'ko -nu -dho kë ka -zuö' 'plë 'ka; ²³'ö tɔɔ 'ka bho -dëüwo; 'ö yaa kë -ne pë 'ö -kë ka bho -gen 'ka bhë -a 'gü -dho -siö' yö kun. -A 'gü 'ka 'dho -siö bhii -Zlan -wo 'ö 'bhee- 'ö -dhö -toëpö 'ka bhë -ya 'gü. ²⁴'Ö tɔɔ pë 'ö -bëen' -sü 'ka -Zlan -bha 'sëédhe 'gü ya -pö: *Mε 'kpekpe -wo ziö -pë 'ka -ne -blëë' 'dhö, 'ö -an -bha 'tɔbhɔdhe -yö -kë -ne -blëë' 'bin 'dhö. -Blëë' -yö -ga, 'ö- 'bin -yö -lo,* ²⁵'kεε kwa Dëme -wo -yö -dho to 'dhö -toëpö 'ka. -Wo 'ö bhë -ne 'ö tɔɔ 'wuntaɔsë 'wo- -blëε ka -dhë bhë.

'Wun =zuan' 'ö -gban 'kɔ 'bhong 'piö -guö 'ö 'bhee- -a -bha

2 ¹-Ka 'kan -kian' yaa -suu'- 'kpekpe waa- -sua kë -sü -an -bha; -ka 'kan me 'yaan- 'kun -sü, -druëi kë -sü waa- 'dɔɔ yaya dɔ -sü -nu -an -bha. ²⁻³Pë 'ö -bëen' -sü 'ka -Zlan -bha 'sëédhe 'gü -ya -pö: *'Ka- yö -ne kwa Dëme këwun -yö -së.* -Dhe 'ö 'dhö -ne kö -ka kë -ne 'në 'blë 'puu -nu 'ö -an -bha 'yɔn 'yi -wun 'dhö 'gbee- bhë -an 'dhö 'sa; 'ö tɔɔ -an -bha -bhöpë -ne bhë; bhii -bhöpë 'ö go -Zlan 'piö 'ö -kë -a -wo 'slööslö 'ka bhë -ne 'ö 'ka 'dhoë- -bhö kö 'kaan- -kpea' 'iin kö dhasü -yaan kë ka -gɔ.

⁴Kwa Dëme 'ö -guö 'bhee- 'ka 'ö me 'bhee- -nu -wa -wun bho yungg, 'kεε 'ö -Zlan -ya sü -a -wun -kë 'gbee- -sü -wun 'gü bhë, -ka -yɔɔn -a -bha. ⁵-Ka -yɔɔn -a -bha kö ka -de 'pö 'kaan- kë -ne -guö 'bhee- -nu 'dhö kö -Zlan -bha 'kɔ bhë 'kaan- kë -a dɔpë -nu 'ka; ka -dho kë slabhome -nu kpö 'gü -me -nu 'ka, 'ö bhii ka -bha -tosiadhe -yö -dho kë -ne sla- -së 'ka- bho -Zlan -dhë kö -yaan -a -zo 'kun -bɔa' Yesu Klito -ta -sü 'ka bhë -a 'dhö, ⁶bhii pë 'ö -bëen' -sü 'ka -Zlan -bha 'sëédhe 'gü -ya -pö: -*Guö 'ö- -wun 'dhö 'gbee- bhë 'ma- 'sü 'ma- këdhe 'bhong 'piö -guö 'ka Siɔn 'gü; lë- 'ka 'dho kpɔ me 'ö -yaa- -wun -dhe 'wun gia- -a -ta.* ⁷Mε 'ö 'ka- -wun -dhe 'wun gia- bhë, -guö bhë -yö ka -bha 'kpëdhö -wun 'ka. 'Kεε me 'ö 'waa- -wun -dhe 'wun gia- bhë, (pë 'ö -bëen' -sü 'ka -Zlan -bha 'sëédhe 'gü -an -bha 'ka 'ö tɔɔ): -*Guö 'ö 'kɔdɔme -nu -wa -zuö wo -kɔ 'yan -taa bhë, -ya kë -guö 'gian 'ö 'wo dho -a -da -dhe 'bhong 'piö -a 'ka.* ⁸-Zlan -bha 'sëédhe -dhe 'bhaa 'gü 'zü -yö pö -sü 'ka -an -bha 'ka 'zü -ne: -*Ya kë -guö 'ö me -nu -gen -yö -zuö -a -bha, -guö gbɔng 'ö me -nu -wo bɔ -a -ta 'wo -piü -a 'ka.* 'Ö bhii -gban 'wo- wo -a -bha bhë 'ö tɔɔ -kɔ 'wo- wo 'wuntaɔsë bhë -a 'ka bhë; pë -de gia- 'ö -ya -an -tian' 'ö bhë.

⁹'Kεε ka -zë ka -ne 'ka tɔɔ me -suu'- do -zë -nu 'ö -Zlan -yö ka sü, me -nu 'ö 'ka 'sëdë -bha slabhome -nu 'ka, 'sëgɔ 'ö -ya -sü 'ka -de -ta -Zlan -bha 'ka. Ka -gɔ -ta 'dho 'ö- wo 'dhö bhë, -yö -kë 'dhö kö -Zlan 'ö ka bho -dhetiidhe

'gü 'ö ka -kë ö -bha -dhepuudhe 'gblüünzë 'ö bhë -a 'gü -mε -nu 'ka bhë, 'kaan- -a këwun -së -nu -wun -blεε'; ¹⁰ bhii ka 'ka bhë, kë- wo 'dhiö -be, kaa kë -Zlan -bha 'següme 'ka, 'kεε zlöö -ne 'ka kaa; ka 'ö 'dhiö -bezë kaa -Zlan -bha mε 'yena yö -sü dɔ bhë, zlöö -ne 'ka- dɔ.

'Wun 'ö -gban -Zlan -bha yuökême -nu 'ta -kɔ -bha

¹¹ N dhegluzë -nu, a- -dhe ka -gɔ, -dhe -kë -nε -nia -mü kaa, 'ö 'ka 'tasüme 'ka 'kpongtaa bhë, kö mεbheedhe -dhɔɔbhaapë yaya -nu 'ö -ya kë 'wo 'ko -ya kwa nii -bha bhë, 'ka 'kan -an -bha! ¹² Ka 'ta -kɔ -yö kë -së me waa wo =zuö' -dhiö' -Zlan 'piö -kun bhë -an ziën, kö -dhe 'ka- -bha, 'kö -kë -nε -wo ka -wun yaa -blεε 'wun -dɔ ka -bha -sü 'ka -nε këpëyaame -nu -mü ka 'ka, kö -wo ka këwun -sεεɔ -nu yö, kö -wo -Zlan 'tɔ bhɔ yi 'ö dho ö -de -zɔn -a 'ka bhë -a 'ka.

¹³ -Ka 'wun ma -wogbiindhe 'kpekpe 'ö -ya mε 'bhee- -nu -gɔ -ta -a -ta bhii kwa Dême -zo 'kun -wun -nε 'ö bhë; -yö 'sedë 'piö 'dhee, bhii me 'ö -ya ka -gɔ 'dhiö yö -mü, yö -nε 'ö -kɔ -mɔ 'wuën- -sü 'ple 'dhoë- kwεε. ¹⁴ -Yö 'sε -kɔɔnme -nu 'piö 'dhee, bhii 'sedë -nε 'ö -an bɔ kö -waan këpëyaame -nu 'klo bhɔ 'iin kö -waan 'wun -së kë -mε -nu -faan' 'më. ¹⁵ Bhii pë 'ö -Zlan -zo 'kun -wun 'ka 'ö tɔɔ kö ka -bha 'wun -së -nu kë -sü 'ka, mε -nu 'ö 'waa 'wun dɔ, 'ö 'kpaakpadhe 'yaa -an -gɔ bhë -waan -kpën kö -waan dɔ diindhö. ¹⁶ -Potaasü -yö ka -gɔ; 'kεε kö -kun 'ö ka -bha -potaasü -yö -kë -nε -kpa pë 'dhiö -pë 'dhö 'ö 'ka -kian' yaa -ta kpa; -ka 'wun kë -nε -Zlan -bha yuökême -nu -wo 'wun -kë. ¹⁷ -Ka mε 'ple -bhlë -ya; -ka Yesu -wun -dhe 'wun gia- -mε -nu -dhɔ kë; -ka 'suö -Zlan -dhë; 'ka 'sedë -bhlë 'kpɔ!

'Wun -zuan' 'ö sü Klito -bha 'klobhɔdhe -bha

¹⁸ Yuökême -nu, -ka ka -gɔ -yɔɔ'- 'wlaan- 'ka ka -gɔmε -nu -dhë! Kö -kun 'ö -kë -gɔmε -nu 'ö -an këwun 'dho -së, 'wo 'lëälë wo -de 'sloo -an -dhë; -kaa kë 'dhö 'pö -a mε -nu 'ö -an -bha 'wunkédhe dhö 'gbee- wo -de 'pö -an -dhë. ¹⁹ Bhii -Zlan -yö 'wun -së -kë mε 'ö- 'klo -yö bhɔ, 'kεε kö -a -de =zuö' -bha bhë, yaa 'wun yaa gbe kë -Zlan wö 'dhiö -a -dhë. ²⁰ Kë -dewo poo -nε, -kë 'gɔugɔ -dhe -yö mü kö mε -yö pë yaa kë kö -wa 'klo bhɔ =a? 'Kεε -ya kë -nε 'ka 'wun -së kë 'ö -wa 'go mü, -wa ka 'klo bhɔ, kö ka -bha 'wun -së -nε bhë -Zlan wö 'dhiö. ²¹ Pë 'ö -Zlan -yö ka -dhɔɔ -kë -a -bha bhë 'ö bhë, bhii Klito -de 'pö, -a 'klo -yö -bhɔ ka -wun 'gü. -Yö 'wun -zuan' 'ka ka -gɔ 'dhö kö 'kaan- 'to -a pin 'piö, ²² (=nε -kɔ 'ö -bεen' -sü 'ka -a 'ka -Zlan -bha 'sëédhe 'gü -a 'dhö -nε): *Yaa =sɔɔn yaa gbe kë 'iin -sua -wun yaa bɔ -a 'dhiü do.* ²³ Yö bhë -nε 'ö 'wo 'si bho -a -gɔ 'ö yaa ö -bha bho; 'wo- 'klo bhɔ, 'ö 'dhi -wo -yaan yaa 'go -a dhiö -nε ö -dho ö -bha 'pë bho -a 'dhö. Pë 'ö- -kë -zian' 'ö tɔɔ -ya kë 'dhö, 'yö ö -de -wun -lo -Zlan 'ö za kpengdhö 'kan -na bhë -a kwεε. ²⁴ Yö -nε 'ö kwa -bha =sɔɔnyaa -wun -nu -wo -lo -a -ta -gaatalü -bha, -yö kë 'dhö kö 'kwaan- bɔ -ga =sɔɔn yaa -bha -sü 'ö bhë -a -ta kö -tosiadhe

ö kpengdhö bhë 'kwaan- kē; bhii -yö -been' -sü 'ka -Zlan -bha 'sëédhe 'gü -ne: -A -bha -gi pin -nu bhë -ne 'wo kwa -dhe bo. ²⁵ Ö tɔɔ kē- wo bhë, ka -kē -ne 'bhla -nu 'wo -dhong -an 'dhö; 'kē ka -ye ka 'zü 'ka nu me 'ö 'bhla -maakēme 'ka 'ö -zo -kē me nii 'piö -me 'ka bhë -a 'piö.

'Wun 'ö -gban dhe waa- gɔn -an -bha -kē 'ko 'piö -kɔ -bha

3 ¹ Dhoo -nu, ka -de 'pö, -ka 'wun ma ka -gɔn -nu -ta! -Yö kē 'dhö kö -a me 'bhaa -nu 'ö waa -Zlan -wun -dhe 'wun gia- =kun bhë, 'kö -kē -ne waa 'wun -blē' -an -dhë, kö -zoyösü -yaan kē -an -gɔ ka -bha 'ta -kɔ -wun 'gü. ² Bhii kö -Zlan =bhlë -ya -kɔ 'ö 'puu ka 'ta -sü -kɔ 'gü bhë, -an 'yan -yö -da -a 'gü. ³ Kö -kun 'ö 'ka ka -de -kē -së plaan =zian' =ne ka -bha wun kē -kɔ -nu, ka buënpë -nu 'wo -kē 'sënnng -nu, sɔ -sɛɛɔ -nu 'ö 'ka dhoë- -da ka -bha bhë -an 'ka! ⁴ 'Kē ka -bha -kē -së -sü -yö kē ka =zuö' 'gü =zian'. -Yö kē -së -dhe 'ö- 'gü 'yaa =siö' -a 'ka; yö =ne 'ö tɔɔ =zuö' ('ö -Zuu 'slööslö =ya yuö kē -a 'gü), 'ö 'lëälë, 'ö -ya diindhö -sü 'dhoë- -gɔ; yö =ne 'ö- -bha -sëdhe =sɔnnng' 'dhö =va -Zlan wö 'dhiö. ⁵ Dhoo -nu 'wo -Zlan =bhlë -ya 'ö 'wo -kē 'dhiö =zian', 'wo wo -zo dɔ -Zlan -bha (=ne pë 'ö- 'tɔ go -an -dhë bhë -wo -dho kē), 'ö 'wo wo -gɔ =yɔɔ wo =gɔn -nu -dhë bhë, -kɔ bhë =ne 'wo wo -de -kaa' -së. ⁶ -Kɔ bhë =ne 'ö Saala -yö =kaa'. -Yö 'wun -ma Ablaamö -ta, 'yö- -dhe ö dëme. Yö =ne 'ö 'ka go -a 'gü, 'ka -kē -a 'dhu -nu 'ka, -a 'ke 'ka 'wun -së kē 'ö kaa ka =kwa' ka -de -zü kö 'kaan- dɔ -gboudhö 'suö 'gü.

⁷ Gɔn- -nu, ka -bha -kē ka bɔɔ -nu 'piö -sü bhë, -ka kē 'lëälë -an 'ka -an -bha -kē dhe 'ka -sü 'ö -an -kɔ 'yaa -mɔ pë 'gbeegbee -nu kē -sü -bha bhë -a -wun 'gü; -ka -an =bhlë -ya, bhii gbaɔ 'ö -kē -këdhösü 'ö 'yaa yën 'ö -Zlan -ya nu ka -dhe bhe, ka -dho ka -bha ke 'ko -bhaa. 'Ö tɔɔ =ya kē -ne 'wun =ya kē mü, ka -dho -bhea' 'dhö 'kē -a -ye 'zü gbe 'ka 'dho kē -dhö.

'Wun 'ö këpë 'ka dhegluzë -nu zïen

⁸ =ɛɛ, -ka kē do ka -zo -ta 'gü -wun -nu waa- ka -bha 'wun -nu -dan 'kuë -kɔ -nu 'gü. -Dho 'ö =ya kē 'ö dhegluzë -nu -wa -kē wo 'kuë bhë -yö -ya ka 'gü 'iin kö ka 'ko -nu 'yena yö -sü waa- -de -dho sia- -sü -wo kē ka -gɔ. ⁹ Kö -kun 'ka 'wun yaa 'pë bho 'wun yaa 'ka, 'ö 'ka 'si 'pë bho 'si 'ka; 'kē -kaa -ye 'zü kē 'dhuë- 'ka, bhii pë 'ö -Zlan -yö ka -dhɔɔ -kaa' bhë 'ö bhë, -yö kē 'dhö kö 'dhuë- -yaan kē ka -bha 'ka. ¹⁰ -A -de 'wun bhë -a -wun 'gü -yö -been' -sü 'ka -Zlan -bha 'sëédhe 'gü -ne: -Ya kē -ne me 'bhaa =yaa- -dho kē -tosiadhe kē -sü 'ka, kö 'ö yi -së -nu yö, kö -yö 'ö nega kuënnu 'wun yaa -gɔ; -yö ö -ben -nu kuënnu me -püö -wun -nu -gɔ; ¹¹ -Yö bho 'wun yaa -dhë =taa', -yö 'wun -së kē; -yö =zuöyagluu =mē' 'kö -kē -ne -yö -dho -a 'piö kē 'dhee. ¹² Bhii Dëme 'yan -yö me kpengdhö -bha, 'ö- 'to 'dhö dɔ -sü 'ka diindhö -an -bha =bheawo -nu -gɔ. 'Kē kwa Dëme wö -siö -sü -mü pëyaakēme -nu -bha kö -yaan -an 'klo bho.

¹³ -Yö kē ka 'yaan =ne me gbe yaa 'dho 'wun yaa kē ka 'ka kö 'ka ka -de nu 'wun -së kē -sü -dhë. ¹⁴ -A -de 'kö -kē -ne ka 'yënnng -yö -bho ka këpë

kpengdhö -nu -wun 'gü, -ka -zuögludhi kë! -A -wun 'gü, -yö -been' -sü 'ka -Zlan -bha 'sëedhe 'gü -ne: Kö -kun 'ö 'suö gbe -yö ka -kë me gbe -dhë 'iin 'ö 'ka dɔ -gbudhò! ¹⁵Kee Klito bhë -yö kë -dhö ka -zuö' 'piö, 'ka- 'sü ka Dëme 'ka. -Ka kë -baa' -sü 'ka -kplawo kö me -nu 'wo ka -dhe' 'kpɔ -na ka -zo -dɔ -a -bha -pë 'ö -Zlan 'piö -a -gbaan 'ka bhë, kö 'kaan- -a -daa kë -an -gɔ; ¹⁶-yö kë -zuö' -së 'gü, 'iin -yö kë 'kwi 'suö 'ka -Zlan -dhë, 'iin kö ka -de -zuö' 'gü 'ka ka -de dɔ kpengdhö; -yö kë 'dhö kö ka -bha 'ta -kɔ -së 'ö- 'ka ka -bha -kpa Klito -bha -sü 'gü bhë, me 'wo 'wun yö -na -a -bha bhë, lë- -yaan 'kpɔ -an -ta. ¹⁷Ö tɔɔ =ya kë -ne =ya kë -Zlan -we -a -bha -wun 'ka kö ka 'yënnng -yaan bhɔ, kö -yö -së kö -yö kë 'wun -së kë -sü 'gü 'ö -zié' -a -kë 'wun yaa 'gü -sü -ta. ¹⁸Ö bhii Klito 'ka- -ga -na bhë, -yö -ga kwa -bha -sɔɔn yaa -nu -wun 'gü; 'kë kö yö 'ö bhë -yö -kë kpengdhö, 'ö ga 'dhö 'sa me 'ö 'waa kpengdhö -an -wun 'gü. Kë- wo 'dhö bhë, ga bhë -ya wo 'dhö dosen 'kpaan; -yö kë 'dhö kö -yaan 'dho kwa 'ka -Zlan wö 'dhiö; 'yö 'wo- zë -a mëdhe -bun 'gü =zian'. =Dhe -kë 'dhö -yö -go ga 'gü -Zuu 'slööslö -bha 'piigbeedhe -kwa. ¹⁹-Zuu 'slööslö do 'ö bhë -ne 'ö- -bha 'piigbeedhe -yö dho -a 'ka 'ö 'wun -blëe me -nu 'wo -kanso 'gü -glööbɔɔ bhë -an -dhë. ²⁰Me -nu 'wo bhë 'wo tɔɔ me -nu 'ö 'dhiö -bezë, 'wo -Zlan -wo -zuö -kɔ 'yan =taa Noe -bha 'töng 'ka; 'wo to wo -wo -ta 'kë kö -Zlan -yö -kë ö -bha -zuösaadhe 'gü; 'ö toë 'dhö 'ö yöë yi 'ö Noe -yö 'yitagɔ =kaa' 'ö me kpö 'dëde 'wo dho -mɔ me 'slëaga -bha 'wo -da -a 'gü 'ö 'wo dha -a -yi -bha. ²¹'Wun bhë -yö -bɔ yöö Yesu 'tɔ 'ka -sü 'ka 'ö 'ka- wo 'ö 'ka dha -dëe bhë -a 'bin 'ka; -bɔ yöö -sü 'ö bhë 'yaa- me 'ö me bun -zlu -dhiipë -nu -gɔ -a 'ka 'këe -yö -zuögüdhe -bha -kë 'puu -sü -dhe -Zlan -gɔ -sü 'wo wo -de -da -a 'gü -a 'ka; yö -ne 'ö 'ka bɔ -a -ta 'ö Yesu Klito -bha -go ga 'gü -sü -yö ka dha bhë. ²²Yesu Klito 'ö bhë =ya 'dho dhang- 'gü. -Yö -ya -sü 'ka -Zlan -kwëe 'gü. -Zlan -bha bɔme -nu, -wogbiindhe -nu, 'piigbeedhe -nu -wo wo -gɔ -yɔɔ -a -dhë, 'ö 'wo 'wun ma -a -ta.

'Wun 'ö -gban 'ta -kɔ -dëü -wun -bha

4 ¹-Dhe -kë -ne Klito 'yënnng -yö -bhɔ ö bun 'gü bhë, ka -de 'pö -zotadhe do bhë -yö kë ka 'gü, bhii me 'ö- 'yënnng =ya bhɔ bun 'gü do bhë, -a -bha 'wun gbe 'yaa -sɔɔn yaa -bha. ²-Ya kë 'dhö kö 'go -dëe -bha, 'töng 'ö -tun ka -gɔ ka -bha -tosiadhe 'gü 'kpongtaa zö bhë, kö -kun 'ö 'ka- -kë me 'bhee- -dhɔɔbhaapë -kwa; 'kë kö -yö kë -zian' -Zlan -zo 'kun -wun 'gü. ³Kë- wo 'dhö bhë, ka -kë 'dhiö -bezë 'wun kë -dhia -ne me -nu 'ö waa wo -zuö' -dhié' -Zlan 'piö bhë -an kë -kɔ -nu 'dhö; 'ö 'ka pë -nu kë, 'waa kë tɔng 'gbloo 'piö; 'ka -ya pë -dho 'ka -nëdhö; 'ö 'ka yɔ -nu mü 'ö 'ka pë -nu -bhö -ziögüsüzë 'ka; 'ö kwiga -nu 'ö -an -wun 'yaa dhi -Zlan -dhë bhë 'wo -kë ka -gɔ. ⁴Zlöö -ne, ka 'bhame -nu 'ö waa wo -zuö' -dhié' -kun bhë, -an 'te =ya 'tun kö -waan 'kun ka yö -sü 'ka -an 'piö 'wun -nu -ziögüsüzë -nu 'iin 'wun yaa -nu kë -dhia. -A -kë 'dhö -sü 'ka, -wo 'wun -blëe' -na ka

-bha, 'iin -wo 'yee -nu 'to -na ka -bha. ⁵ 'Kee -ka ka -kwaa' -an -zü! -Wo -dho 'wun -gen bho -Zlan 'ö =ya dɔ kö me 'bhee- -nu waa- me -nu 'ö =wa ga -yaan -a -bha za 'kan bhë -a 'dhiö. ⁶ Pë -de 'ö -kë 'ö 'wuntaasë -yö =blëe me -nu 'ö =wa ga -an -dhë 'ö bhë; -yö kë 'dhö, 'kö -kë =ne za =ya -lo -an tuö -an mēbheedhe -bun 'gü ga =kwaa', kö -waan -kë -a 'gü -sü yö wo nii 'gü -zian' -Zlan -bha 'piigbeedhe =kwaa'. ⁷ Pë 'plë 'dhiötöyi =ya yö =klöö'; 'ka 'wun -nu kë, -yö yö 'ko 'dhiö -së 'ka; -ka ka -zo kë ka -de 'piö, 'ka -ya ka 'yaan kö 'kaan- -klu =bhea' -sü -bha. ⁸ -Blëezë 'ka, -ka 'dho ka 'ko -nu -dho kë -sü 'ö ka =zuö' 'plë 'ka bhë -a 'ka 'dhiö, bhii 'ko -dho kë -sü 'ö 'ka- -ga -na bhë, -yö =sɔɔn yaa =plëezë -ta -kpa kwa 'ko -nu ziën. ⁹ -Ka ka 'ko -nu -nia 'kun -së; kö -kun 'ö -kë 'wun -nu -blëe -wo =löö -sü 'ka. ¹⁰ Më 'ö -dhö, -yö 'glusëgüpë -nu kë ö 'bha -nu -dhë =ne me -nu 'ö -Zlan -yö -an -ya ö -bha gbaopë -nu 'dhiö -an 'dhö. 'Ö tɔɔ me 'ö -dhö, -Zlan =ya gbaɔ kë -a -dhë -a =tian'. ¹¹ Më 'ö -Zlan -wo pö -na, -yö -Zlan -wo 'sloo =blëe'; me 'ö pë -nu kë -na me -nu -dhë, -ya kë =faan' 'ö -Zlan -ya nu -a -dhe bhe -a 'ka. 'Ö =ya kë =ne ka- -kë 'dhö giagiawo, kö -Zlan 'tɔ -yö bhɔ 'wun 'saadhö 'gü =bɔa' Yesu Klito 'ö 'tɔbhɔdhe waa- 'piigbeedhe 'wo- -bha 'ka =toëpö 'ka bhë -a -ta -sü 'ka, amen.

'Wun 'ö -gban -Zlan -bha me -nu -bɔ 'wun -nu 'gü -kɔ -bha

¹² N dhegluzë -nu, kö =kun 'ö ka 'te -yö tun 'wun 'gbee- -nu 'wo nu -na ka -ta 'ö 'ka bɔ -na -an 'gü bhë -a -wun 'gü =ne pë 'wo- pö kë pë 'yaa -mü -a 'dhö. ¹³ -Ka =zuögludhi kë =zian' 'ö tɔɔ -kɔ 'ö 'wun -nu 'dho nu -na -a 'ka ka -ta bhë =ne 'ö =kaa' Klito -bha 'ka 'pö. =Ya kë 'dhö 'ö 'ka dho -mɔa kö -kpe =va -yaan kë ka -gɔ yi 'ö- -bha 'tɔbhɔdhe dho nu -a 'ka bhë -a 'ka. ¹⁴ 'Ö =ya kë =ne =wa 'si -nu bho ka -gɔ, ka -bha -kë Klito -bha =guë' 'ka -sü -wun 'gü, ka =zuö' 'glu -yö dhi bhii -Zuu 'tɔbhɔdhe -zë 'ö -Zuu 'ö go -Zlan 'piö -a 'ka bhë -yö ka -ta. ¹⁵ Kö =kun 'ö me -yö go ka ziën 'ö- me zë -tɔ, -a =kwaan -tɔ, -a këpë yaa -tɔ, 'iin -da me 'kpaan gbe -bha 'wun 'gü -tɔ -yö -kë -dhö kö -a -wun 'gü 'wun -yaan wɔ -a -ta. ¹⁶ 'Kee me 'ö 'wun =ya wɔ -a -ta =zian' -a -bha -bɔ Klito 'ka -sü -wun 'gü, kö =kun 'ö -kë -a -gɔ lë- -wun 'ka; -yö -Zlan 'tɔ bhɔ =zian'.

¹⁷ Bhii -Zlan -bha zakanyi =ya -lo. 'Yö za 'ö 'dhö bhë 'ö- zü dhö dɔ me 'kwa -Zlan -bha 'kɔɔme -nu 'ka kwa -ta. Za bhë -a zü dhoë dɔ; 'ö- -de 'ö- zü =ya dɔ 'saadhö. 'Ö =ya kë =ne za 'ö dho kan bhë -a zü =ya dɔ kwa ('ö kwa- -bha 'në -nu 'ka kwa) -bha, kö me -nu 'ö 'waa 'wun ma -Zlan -wo -ta bhë -an 'dhiötodhe -yö -dho kë mü =dhë =eë? ¹⁸ -A -de 'wun -yö -gban -a -bha -Zlan -bha 'sëedhe 'gü =ne: Më -nu 'ö 'wo kpengdhö bhë -wo -dho dha. 'Kee =dhe 'ö za 'ö -an -bha bhë 'ö kë -na 'gbee-, kö 'gluyaame -nu waa- =kianyaame -nu, -yö -dho kë mü =dhë -an -bha 'ka eë? ¹⁹ =Dhe -kë 'dhö, me -nu 'ö 'wun 'dho wɔ -na ka -ta -Zlan -zo 'kun -wun 'ka bhë, -ka 'dho ka këwun -së -nu 'wo bhë -an 'ka 'dhiö 'iin 'ka ka -de -wun -lo -Zlan 'ö pë 'plë -da, 'ö to ö -wo 'gü ö -bha pë -nu 'ö- 'tɔ go me -nu -dhë -a 'gü bhë -a kwëe 'fefedhö.

'Wun 'ö -gban -zo -kë -Zlan -bha -tué -nu 'piö -kɔ -bha

5 ¹'Wun -yö n -gɔ kö 'aan- =blɛɛ'- mɛ -nu 'wo mɛ ziizii -nu 'ka ka ziën -Zlan -bha -wun -nu 'gü bhë -an -dhë; a mɛ -dee 'ka =nɛ ka 'dhö 'pö, 'ö Klito -bha 'klobhɔdhe -nu bhë 'ö n 'yaan -wun 'ka, 'ö 'tɔbhɔdhe 'ö dho kë 'dhiö =zian' 'ö mɛ 'plɛ kwa- 'gü -mɛ -nu 'ka bhë, a- -pö ka -dhë; ²Mɛ -nu 'ö -Zlan -yö -an -wun tɛn ka -bha bhë, -ka ka -zo 'to -sɛ 'ka -an 'piö =nɛ -kɔ 'ö -tuɛmaakɛmɛ 'dhoɛ- kë -na -a 'ka 'bhla -tué -nu -gɔ bhë -a 'dhö; -yö kë 'wun 'ö ka -zo kun 'ö 'ka- kë -a 'ka =nɛ -kɔ 'ö -Zlan 'dhö -a 'piö kö -yö kaa -a 'dhö; kö =kun 'ka- kë =zuö' -to zlöö 'ka. Kö =kun 'ka ka -bha yuö -nu -kë =nɛ 'wëü- yö -a 'gü -pɛ 'dhö, 'kɛɛ -ka pɛ -nu kë 'kpaan 'ka, ka -de -zo 'kun -wun 'plɛ 'ka. ³Mɛ -nu 'ö -an -wun 'dhö tɛn -sü 'ka ka -bha bhë, kö =kun 'ö 'ka -kë -an -ta 'dhiö; -ka kë =zian' -an -bha 'wun =zuan' 'ka. ⁴-Kɔ bhë =nɛ 'ö yi 'ö -tuɛmaakɛmɛ -nu -gɔmɛ dho nué bhë, 'ö 'tɔbhɔdhe 'gɔ =gblaa' 'ö 'yaa =siö'- bhë 'ö 'ka dho -a yö -a 'ka.

⁵-Dadhëü -nu, ka -de 'pö, -ka 'wun ma mɛ ziizii -nu -ta! -De -dho sia- -sü -yö kë ka 'gü bhii -yö =bɛɛn' -sü 'ka -Zlan -bha 'sëédhe 'gü =nɛ: -Zlan -yö zian -ta -desüvame -gɔ 'ö 'glusë -kë -de -dho sia- -mɛ -nu -dhë. ⁶-Dhe -kë 'dhö kö -ka ka -de =yɔɔn sia- -Zlan -kɔ 'pii 'gbee- bhë -a =löö kö -yaan ka =luu'- yi 'ö- -ya bhë -a 'ka. ⁷-Ka ka -bha =zuö' -to zlöö -wun -nu -lo -a kwɛɛ bhii yö =nɛ 'ö 'ö -zo -kë ka 'piö.

⁸'Ka 'wun -nu kë, -yö kë -mɔ 'kué -sü -zɛ; kö =kun 'ö 'ka 'wun -nu -ziö =gɔü'. -Ka -ya ka 'yaan bhii ka yaagüme, dü, -yö =nié' -na ka -zü =nɛ -tɔɔn 'ö 'gbla -na pɛ 'ö dho -a -bhö -a =mɛɛ' -sü 'ka kö -yaan 'kun bhë -a 'dhö. ⁹-Ka dɔ -a -gɔ gɛnngdhö, -klu -zo -yö -Zlan -bha -sü 'ka 'ö tɔɔ dhegluzɛ 'bhaa -nu -wo -dhö 'ö 'klobhɔdhe do 'ö bhë 'wo- 'gü 'sɛ -to 'dhö -sü -ta. ¹⁰-Yö 'dhö 'kɛɛ kö =kun 'ö ka =zuö' -yö to zlöö; -yö kë ka 'yaan =nɛ 'glusë kë -Zlan 'ö ka -dhɔɔ -kë -kpa Klito -bha -sü 'gü 'ö -bha =toëpö 'tɔbhɔdhe -bha bhë, =ya kë =nɛ 'klobhɔdhe 'töng 'dɛdɛ bhë, 'ka bɔ -a 'gü =sia, yö -de gia- bhë -yö -dho ka -zo -gban, 'yö dho ka =faan' mɛ kö -yaan ka -ya, 'ö 'ka -dho dɔ gɛnngdhö. ¹¹Kö 'piigbeedhe -yö kë -a -bha 'ka =toëpö =toëpö 'ka! Amen.

=Wekadhe -kaanta

¹²'Sëédhe =nɛ =yö =klöö'; Siliven 'ö n -gɔ n dheglu 'ö -kpa n -ma -sü 'ka bhë =nɛ 'ö- -kë n -dhë 'ö 'a- bɔ ka -dhë ka =faan' mɛ -sü 'ka =nɛ -Zlan -bha 'glusë 'ö 'ka -klu -sü 'ka -a -bha bhë -yö 'wun gia- 'ka.

¹³-Zlan -bha mɛ -nu 'wo Babilɔné 'nö, =wa 'we kaa. N gbö Maakö 'ö kwa Dɛmɛ 'gü =ya 'we kaa 'pö. ¹⁴-Ka -büö -nu pö ka 'ko -nu -dhë ka 'ko -nu 'sɛnɛ bho -sü 'ka dhegluzɛ -dhe -kwaa. =Zuöyagluu -yö kë mɛ 'ö 'ka Klito 'gü ka -gɔ!